

fuius, ergo statim ac merito, lectis Sanctitatis Vestrae litteris Deo omnipotenti gratias agi per omnia ver-
 64 bis templa iussimus; publice quidem ab omnibus, privatim vero a nobis missa solemniter in Ecclesia Beatae Mariae de Populo omni cum veneratione celebranda. Nec ab humanis et popularibus officiis temperavimus, sed lætitiā publicā ignibus de more accensis et bombis excussis tum, arx pontificia tum nostrae familiae civesque Romani testati sunt. Legatos vero nostros Sanctae Romanae Ecclesiae cardinales, qui in nostra congregatione tum aderant, ad iter extimulavimus atque accendimus; parteque alia non solum quas Sanctitas Vestra ordinavit triremes suas et galeonem, qui in Elthuriæ litoribus nunc sunt quam propere solvi et ad Sanctitatem Vestram deduci iussimus, idque Reverendissimum Vicecancellarium Florentiae agentem curate nomine Sanctitatis Vestrae hortati fuimus, sed etiam ab illustrissimo oratore Cæsareæ Majestatis summo petiimus, ut ejusdem Majestatis et nostro imo Sanctitatis Vestrae intuitu, classem neapolitanam protegis ad Sanctitatem Vestram deducendis, indeque Sanctitate Vestra ad nos ducenda non sine aliqua nostra gratitudine accommodaret; sed quoniam idem illustrissimus orator se dicta classe ad tutelam sui maris contra pyratas indigere respondit, et triremes Sanctitatis Vestrae tam quassas et exarmatas audimus ut nisi cum multa tarditate (quæ huic negotio valde inimica) mari comitti non possint, videmus simul dolemusque Legatorum nostrorum discessum, qui ante hac ob illa quæ supra diximus impedimenta retardatus est, nunc ob difficultate navigiorum retardari, ac parum aut nihil spei hoc tempore Vestrae Sanctitatis in classibus italicis reponendum, sed Hispanicis pro celeritate et importantia rei utendum. Legati quidem nostri nobis præcipue urgentibus navigia nihilo segnius conquirunt, nihil ad expeditionem omittunt, seque et suos jam præpararunt, sed difficiliorem videmus hujus rei expeditionem, quod
 64* quum piratæ maria semper, vere autem maxime infestent, et turcarum in Hungaria successibus elati, nunc ferantur audaciores, quisquæ suas triremes ob bellum quoque in Italia vicens habere vult præsidio. Terram autem Legatos venire qui viarum discrimina ac præterea multa dissuadeant longitudo, certe itineris et more detrimentum, ac tarditas maxime dissuadent. Itaque quum mora non mensium modo, sed dierum sed horarum mirabile et incredibile detrimentum Urbi, curiæ, populis totique christianitati ex absentia Sanctitatis Vestrae importet. Nec tantum verbis dicere animoque concipere possimus,

qui longe majus sit damnum atque periculum quod dicimus, sicut et Sanctitas Vestra, quum hic fuerit verum fuisse fatebitur adprendit. Idcirco ad pedes Sanctitatis Vestrae provoluti, illam nostro nomine ac suæ sponsæ Romanæ Ecclesiae populi que romani ejus fidelissimi, totiusque ecclesiasti status rogamus, et per Christi charitatem obsecramus, ut quam primum Sanctitas Vestra commode et tuto poterit, etiam Legatis nostris et triremibus non expectatis, sua cum classe quam ille in Hispania scimus non defutura iter felicissimum et toti Europæ utilissimum ineat, et in aquis Italiae litus appellat. Simul enim hoc audierimus, nam illuc solum nostri Legatis si nondum ad illam pervenirent, ed magna nostri Collegi pars, et (si proximum Urbi fuerit) etiam totum Collegium nostrum cum multitudine populi et cleri reverenter ac lætanter occurreret, nullumque a nobis pro nostro debito officii honoris reverentiæ genus erga nostrum pastorem omitetur. Quod si Sanctitas Vestra nostros Legatos in Hispania expectare vellet, qui vel terra ab itineris longitudine, vel mari ob navigiorum difficultate tardissime ad illam venturi sunt, profecto tam perniciose hæc esset universis Christi fidelibus mora, ut non plus boni et laudis nostra electio habuisse videretur ob Sanctitatis Vestrae probitatem, quam mali et vituperationis ob hanc tarditatem. Præterea longior vacatio Sedis temporumque et rerum conditio suadet ut Sanctitas Vestra, quæ se humanissimam tum verbis tum factis ostendit, humanitate et charitate in hoc quoque utatur, ut ad sponsam suam ipse præcurret, et tot scandalum quot per suam absentiam in Ecclesiæ Statu hactenus acciderunt et acci-
 65 dere in dies possunt, sua præsentia acceleritate medeatur. Roma est, Pater Beatissime, quam Sanctitas Vestra petit hoc est sua vera sedes suaque sponsa, tum domicilium martirum Christi, colonia, emporium sanctorum, hunc quæsumus Sanctitas Vestra honorem beatis Petro et Paulo apostolis tribuat, ut ad ossa eorum veneranda quin properet nihil more censeat interponendum; hoc a Sanctitate Vestra maximum munus et beneficium omnes ejus populi, cuncta Italia, universus clerus quin etiam ipsa sacrosancta Religio quam impii Thureæ, Hungariæ imminentes abolere nituntur, supplices nobiscum expostulant. Interim vero nos, sicuti pro nostro antea officio, ita pro Sanctitatis Vestrae mandatis justitiæ, paci, tranquillati, Urbis, et curiæ populorumque omnium ecclesiasticorum quoad poterimus intendemus, et pro felici Sanctitatis Vestrae in Italiam impulsu ac securitate classis Christi Vicarium vehentis